

ԵՊԼՀ գիտական խորհրդի 2017թ.

օգոստոսի 30-ի թիվ 1 նիստում

ԵՊԼՀ գիտական խորհրդի նախագահ,
Կ. Վ. Հարությունյան



«30» օգոստոսի 2017թ.

ԿԱՆՈՆԱԿԱՐԳ

ԵՐԵՎԱՆԻ Վ. ԲՐՅՈՒՍՈՎԻ ԱՆՎԱՆ ՊԵՏԱԿԱՆ ԼԵԶՎԱՀԱՍԱՐԱԿԱԳԻՏԱԿԱՆ
ՀԱՄԱԼՍԱՐԱՆԻ ՊԵՏԱԿԱՆ ԵՎ ՆԵՐՈՒՀԱԿԱՆ ՈՒԽԱՆՈՂԱԿԱՆ ՆՊԱՍՏՆԵՐԻ ԵՎ
ԿՐԹԱԹՈՇԱԿՆԵՐԻ ՀԱՏԿԱՑՄԱՆ

I. ԸՆԴՀԱՆՈՒՐ ԴՐՈՒՅԹՆԵՐ

1. Երևանի Վ. Բրյուսովի անվան պետական լեզվահասարակագիտական համալսարանի (այսուհետ՝ ԵՊԼՀ) պետական և ներքուհական ուսանողական նպաստների և կրթաթոշակների հատկացման կանոնակարգը (այսուհետ՝ Կանոնակարգ) սահմանում է ԵՊԼՀ-ում ուսանողական նպաստների ծևով պետության և ԵՊԼՀ-ի կողմից տրամադրվող ուսման վարձավճարի լրիվ կամ մասնակի փոխհատուցման և կրթաթոշակների տրամադրման կարգը և պայմանները:

2. Սույն Կանոնակարգի իրավական հիմքերն են Հայաստանի Հանրապետության օրենքները, կառավարության որոշումները, կրթության և գիտության նախարարի հրամանները, ԵՊԼՀ կանոնադրությունը և այլ իրավական ակտեր:

3. Ուսանողական նպաստը լրիվ կամ մասնակի փոխհատուցում է ուսանողի ուսման վարձավճարը՝ Հայաստանի Հանրապետության պետական բյուջեի ծախսային մասում նախատեսված միջոցների, ԵՊԼՀ ֆինանսական միջոցների, ինչպես նաև Հայաստանի Հանրապետության օրենսդրությամբ չարգելված այլ աղբյուրների հաշվին:

4. Սույն Կանոնակարգի դրույթները տարածվում են առկա ուսումնառության համակարգում բակալավրի և մագիստրոսի կրթական ծրագրերով սովորող ուսանողների վրա:

Սույն Կանոնակարգի 14-րդ, 19-րդ (բացառությամբ 19.9. Ենթակետի), 20-րդ, 21-րդ, 22-րդ կետերի դրույթները, ուսման վարձավճարի մասնակի փոխհատուցման մասով տարածվում են նաև բակալավրիատի և մագիստրատուրայի հեռակա ուսուցման համակարգում ընդհանուր հիմունքներով ընդունված ուսանողների վրա:

II. ՈՒՍԱՆՈՂԱԿԱՆ ՆՊԱՍՏԻ ՁԵՎՈՎ ՈՒՍՄԱՆ ՎԱՐՁԱՎՃԱՐԻ ԼՐԻՎ ՓՈԽՀԱՏՈՒՑՈՒՄ ՏՐԱՄԱԴՐԵԼՈՒ ԿԱՐԳՆ ՈՒ ՊԱՅՄԱՆՆԵՐԸ

5. Պետության կողմից ուսանողական նպաստի ձևով ուսման վարձավճարի լրիվ փոխհատուցում տրամադրվում է՝

5.1. մեկ ուսումնական տարվա քննությունների և ստուգարքների արդյունքներով առավել բարձր միջին որակական գնահատական /այսուհետ/՝ ՄՌԳ/ ունեցող ուսանողներին՝ մրցութային կարգով,

5.2. օրենքով նախատեսված սոցիալական հետևյալ խմբերում ընդգրկված անձանց՝

ա) առանց ծնողական խնամքի մնացած ուսանողներին և նրանց թվին պատկանող անձանց՝ համաձայն «Առանց ծնողական խնամքի մնացած երեխաների սոցիալական պաշտպանության մասին» Հայաստանի Հանրապետության օրենքի,

բ) 1-ին և 2-րդ խմբերի հաշմանդամներին և հաշմանդամ երեխայի կարգավիճակ ունեցող անձանց՝ համաձայն «Հայաստանի Հանրապետության հաշմանդամների սոցիալական պաշտպանության մասին» Հայաստանի Հանրապետության օրենքի,

գ) զիկած զինծառայողի ուսանող-երեխային՝ համաձայն «Զինծառայողների և նրանց ընտանիքների անդամների սոցիալական ապահովության մասին» Հայաստանի Հանրապետության օրենքի,

դ) պարտադիր ժամկետային զինվորական ծառայության ընթացքում հաշմանդամ դարձած ուսանողներին՝ համաձայն «Զինծառայողների և նրանց ընտանիքների անդամների սոցիալական ապահովության մասին» Հայաստանի Հանրապետության օրենքի,

ե) պետության համար առաջնահերթություն և կարևորություն ներկայացնող մասնագիտություններով նպատակային ուսուցմամբ ընդունված ուսանողներին:

Հայաստանի Հանրապետության կառավարության կողմից հատկացված անվճար տեղերի հաշվին ընդհանուր մրցություն դուրս ընդունված պարտադիր ժամկետային զինվորական ծառայությունից զորացրված ուսանողները՝ որպես նպատակային ուսուցմամբ ընդունվածներ, օգտվում են իրենց արտոնությունից մինչև տվյալ կրթական ծրագրով ուսումնառության ավարտը:

Սույն Կանոնակարգի 5.2. կետի «ա», «գ» և «ե» ենթակետերում նշված կարգավիճակ ունեցող ուսանողներին ուսանողական նպաստներ տրամադրվում են 1-ին կուրսից մինչև տվյալ կրթական ծրագրով ուսումնառության ավարտը:

Սույն Կանոնակարգի 5.2. կետի «բ» և «դ» ենթակետերում նշված կարգավիճակ ունեցող ուսանողներին համապատասխան փաստաթղթերի առկայության դեպքում, ուսանողական նպաստներ տրամադրվում են 1-ին կուրսի մեկնարկին, որը վերանայվում է յուրաքանչյուր ուսումնական տարվա ավարտին:

6. Հայաստանի Հանրապետության կառավարությունը յուրաքանչյուր տարի պետական բյուջեով բարձրագույն ուսումնական հաստատությունների համար նախատեսված միջոցների սահմաններում, ըստ բուհերի և մասնագիտությունների, բաշխում է պետության կողմից տրվող ուսանողական նպաստների քանակը, որը տեղափոխվում է կուրսից կուրս:

7. ԵՊԼՀ բակալավրի կրթական ծրագրով առաջին կուրս ընդունված ուսանողներին ուսանողական նպաստի ձևով ուսման վարձավճարի լրիվ փոխհատուցում տրամադրվում է Հայաստանի Հանրապետության պետական բուհերի

ընդունելության կանոններով սահմանված կարգով: Հաջորդ կուրսերում վերոնշյալ ուսանողների ուսանողական նպաստը տրամադրվում է սույն Կանոնակարգի 5.1. Ենթակետում ամրագրված սկզբունքով:

8. Սույն Կանոնակարգի 5.1 ենթակետի համաձայն տրամադրվող ուսման վարձավճարի լրիվ փոխհատուցման իրավունքից հրաժարվելու վերաբերյալ դիմումներն ընդունվում են մինչև յուրաքանչյուր տարվա հունիսի 1-ը, իսկ դրանց քննարկումը կազմակերպվում է սույն Կանոնակարգի 10-րդ և 11-րդ կետերում նշված մանդատային հանձնաժողովների կողմից:

9. Սույն Կանոնակարգի 5.1. ենթակետում նշված ուսանողների համար մրցույթը կազմակերպվում է մինչև յուրաքանչյուր տարվա սեպտեմբերի 10-ը նախորդող ուսումնական տարվա յուրաքանչյուր կիսամյակում հանձնած քննությունների և ստուգարքների արդյունքների (ՄՊԳ-ի) հիման վրա: ՄՊԳ-ը հաշվարկվում է ԵՊԼՀ-ում գործող գիտելիքների գնահատման սանդղակի կիրառմամբ (հարյուրերորդականի ճշտությամբ):

Ուսման վարձավճարի լրիվ փոխհատուցման համար անցկացվող մրցույթին չեն կարող մասնակցել սեպտեմբերի 10-ի դրությամբ ակադեմիական պարտքեր ունեցող ուսանողները:

Ուսումնական տարվա քննությունների և ստուգարքների արդյունքում միևնույն պայմանների դեպքում ՄՊԳ-ի հավասար միավորներ ունեցող երկու և ավելի ուսանողների պարագայում՝ երկրորդ կուրսում առավելությունը տրվում է առաջին կուրժին կիսամյակի քննաշրջանի արդյունքում առավել բարձր առաջադիմություն ցուցաբերած ուսանողներին, հաջորդ կուրսում՝ նախորդ ուսումնական տարվա, իսկ վերջինիս հավասարության դեպքում՝ դրան նախորդող ուսումնական տարվա քննությունների և ստուգարքների արդյունքներով առավել բարձր առաջադիմություն ցուցաբերած ուսանողներին:

Ըստ առաջադիմության՝ ՄՊԳ-ի՝ ծևակորվում է տվյալ կուրսի տվյալ մասնագիտության ուսման վարձավճարի լրիվ փոխհատուցման իրավունք ունեցող ուսանողների ցուցակը:

10. Սույն Կանոնակարգի 9-րդ կետում նշված ցուցակը ֆակուլտետի դեկանի կողմից ներկայացվում է ֆակուլտետի մանդատային հանձնաժողովի քննարկմանը:

Ֆակուլտետի մանդատային հանձնաժողովի կազմում ընդգրկվում են ֆակուլտետի դեկանը /նախագահ/, դեկանի տեղակալը, ֆակուլտետի ուսանողական խորհրդի նախագահը և արոֆեսորադասախոսական կազմի ներկայացուցիչը: Ֆակուլտետի մանդատային հանձնաժողովի կազմը հաստատվում է ԵՊԼՀ ռեկտորի հրամանով:

Ֆակուլտետի մանդատային հանձնաժողովը, ըստ տվյալ կուրսի տվյալ մասնագիտությանը հատկացված նպաստների թվաքանակի, կազմակերպում է մրցույթ և կազմում է ուսման վարձավճարի լրիվ փոխհատուցման իրավունք ունեցող ուսանողների ցուցակը, որը պարտադիր վավերացվում է մանդատային հանձնաժողովի բոլոր անդամների կողմից: Ցուցակի հաստատման համար կազմվում է արձանագրություն (2 օրինակից), որում գրանցվում են մանդատային հանձնաժողովի անդամների կողմից արտահայտված կարծիքները և հնարավոր վերապահումները: Արձանագրությունը և մրցությային ցուցակը ստորագրվում են մանդատային հանձնաժողովի նախագահի և անդամների կողմից:

11. Սույն Կանոնակարգի 9-րդ կետում նշված ցուցակները և արձանագրությունները մինչև յուրաքանչյուր տարվա սեպտեմբերի 15-ը

համապատասխան ֆակուլտետի դեկանի կողմից ներկայացվում են ԵՊԼՀ մանդատային հանձնաժողովի դիտարկմանը և հաստատմանը:

ԵՊԼՀ մանդատային հանձնաժողովի կազմը հաստատվում է ռեկտորի հրամանով: Մանդատային հանձնաժողովի կազմում ընդգրկվում են ԵՊԼՀ ռեկտորը (հանձնաժողովի նախագահ), պրոռեկտորները, ռեկտորի տեղակալը, գլխավոր հաշվապահը, իրավախորհրդատուն, ուսանողական խորհրդի նախագահը:

Սույն Կանոնակարգի 9-րդ կետում նշված ցուցակներում անճշտություններ, վրիհումներ, սխալներ, ինչպես նաև ցուցակների կազմման ընթացակարգի այլ խախտումներ հայտնաբերելու դեպքում ԵՊԼՀ մանդատային հանձնաժողովն իրավասու է տվյալ մասնագիտության ուսման վարձավճարի լրիվ փոխհատուցման իրավունք ունեցող ուսանողների ցուցակը հետ վերադարձնել ֆակուլտետ՝ նոր մրցույթի կազմակերպման պահանջով:

Ընթացակարգի խախտումներ թույլ տված անձինք ենթակա են կարգապահական տույժերի, որը սահմանվում է ԵՊԼՀ ռեկտորի հրամանով:

12. ԵՊԼՀ մանդատային հանձնաժողովի կողմից հաստատված ցուցակները մեկորյա ժամկետում փակցվում են ֆակուլտետների հայտարարությունների տախտակին: Ցուցակների վերաբերյալ դիմում-բողոքները երեք աշխատանքային օրվա ընթացքում պետք է ներկայացվեն ԵՊԼՀ մանդատային հանձնաժողովին: Նշված ժամկետի ավարտից հետո ԵՊԼՀ մանդատային հանձնաժողովը քննարկում է ներկայացված դիմում-բողոքները հաստատում է ուսանողական նպաստի ծնով ուսման վարձավճարի լրիվ փոխհատուցում ստացող ուսանողների վերջնական ցուցակները և այն հրամանագրման նպատակով ներկայացնում է ԵՊԼՀ ռեկտորին:

ԵՊԼՀ ռեկտորի հրամանում պարտադիր կարգով նշվում է ուսանողական նպաստի տրամադրման ժամկետը՝ տվյալ տարվա սեպտեմբերի 1-ից մինչև հաջորդ տարվա օգոստոսի 31-ը:

ԵՊԼՀ ռեկտորի հրամանով ուսման վարձավճարի լրիվ փոխհատուցում ստացող ուսանողների՝ հրամանագրումից հետո ուսումնական այլ հաստատություն կամ ֆակուլտետ փոխադրվելու, ինչպես նաև համալսարանից ազատվելու դեպքերում նրանց ուսանողական նպաստները տվյալ ուսումնական տարում այլ ուսանողների չեն տրամադրվում:

13. Ուսումնառությունն ընդհատած (ժամկետային գինծառայության գորակոչվելու, առողջական վիճակի պատճառով ակադեմիական արձակուրդում գտնվելու, հղիության և ծննդաբերության, ինչպես նաև մինչև 3 տարեկան երեխայի խնամքի դեպքերում) ուսանողը վերականգնվելիս պահպանում է ուսանողական նպաստ ստանալու նախկինում ունեցած իրավունքը (Հայաստանի Հանրապետության պետական բյուջեով նախատեսված ուսանողական նպաստ ստացողների ընդհանուր թվաքանակի շրջանակներում):

Ուսանողական նպաստի ծնով ուսման վարձավճարի լրիվ փոխհատուցման իրավունքից օգտվող ուսանողի կողմից սույն կետով սահմանված պատճառներով ուսումնառությունն ընդհատելու դեպքում ուսանողական ազատ նույն կուրսում տվյալ ուսումնական տարում չի օգտագործվում և հետագայում ավելացվում է այն կուրսի տվյալ ուսումնական տարվա ուսանողական նպաստներին, որտեղ ուսանողը վերականգնում է իր ուսանողական իրավունքները:

14. Այլ պատճառներով ուսումնառությունն ընդհատած, այլ բուհերից, ԵՊԼՀ այլ մասնագիտություններից (կրթական ծրագրերից), ուսուցման համակարգից

տեղափոխված ուսանողները ուսման վարձավճարի լրիվ փոխհատուցման իրավունքից կարող են օգտվել ԵՊՀ-ում տվյալ մասնագիտությամբ առկա ուսուցման համակարգում առնվազն մեկ ուսումնական տարի սովորելուց հետո, իսկ ուսման վարձավճարի մասնակի փոխհատուցման իրավունքից՝ առկա և հեռակա ուսումնառության համակարգում մեկ կիսամյակ սովորելուց հետո:

**III. ՊԵՏԱԿԱՆ ԵՎ ՆԵՐԲՈՒՀԱԿԱՆ ՈՒՍԱՆՈՂԱԿԱՆ ՆՊԱՍՏԻ ՁԵՎՈՎ
ՈՒՍՄԱՆ ՎԱՐՁԱՎՃԱՐԻ ՄԱՍՆԱԿԻ ՓՈԽՀԱՏՈՒՑՈՒՄ
ՏՐԱՄԱԴՐԵԼՈՒ ԿԱՐԳՆ ՈՒ ՊԱՅՄԱՆՆԵՐԸ**

15. Պետությունն ուսանողական նպաստի ձևով ուսման վարձավճարի մասնակի փոխհատուցում տրամադրում է յուրաքանչյուր տարի ուսանողների՝ Հայաստանի Հանրապետության կրթության և գիտության նախարարության կողմից սահմանված միջին որակական գնահատականի նվազագույն շեմը հաղթահարած և ընտանիքների անապահովության գնահատման համակարգում հաշվառված, Հայաստանի Հանրապետության կառավարության կողմից յուրաքանչյուր տարի սահմանվող անապահովության սահմանային միավորից բարձր միավորներ ունեցող հետևյալ խմբերին՝

ա) մինչև 5 միավորով բարձր անապահովության միավոր ունեցող ընտանիքի անդամ հանդիսացող ուսանողներին՝ ուսման վարձի 50 տոկոսի չափով.

բ) 5-10 միավորով բարձր անապահովության միավոր ունեցող ընտանիքի անդամ հանդիսացող ուսանողներին՝ ուսման վարձի 60 տոկոսի չափով.

գ) 10-15 միավորով բարձր անապահովության միավոր ունեցող ընտանիքի անդամ հանդիսացող ուսանողներին՝ ուսման վարձի 70 տոկոսի չափով.

դ) 15-20 միավորով բարձր անապահովության միավոր ունեցող ընտանիքի անդամ հանդիսացող ուսանողներին՝ ուսման վարձի 80 տոկոսի չափով.

ե) 20-ից բարձր անապահովության միավոր ունեցող ընտանիքի անդամ հանդիսացող ուսանողներին՝ ուսման վարձի 100 տոկոսի չափով:

16. Պետության կողմից տրամադրվող ուսանողական նպաստ ստանաու համար ուսանողի միջին որակական գնահատականի նվազագույն շեմը յուրաքանչյուր տարի սահմանում է Հայաստանի Հանրապետության կրթության և գիտության նախարարությունը:

17. Պետության կողմից ուսանողական նպաստի ձևով ուսման վարձավճարի մասնակի փոխհատուցում ստանալու համար ուսանողն իր ընտանիքի անապահովության միավորի վերաբերյալ սոցիալական ծառայություններ տրամադրող տարածքային մարմնի տրամադրած տեղեկանքը յուրաքանչյուր տարի ԵՊՀ գրասենյակ է ներկայացնում մինչև տվյալ տարվա սեպտեմբերի 10-ը:

18. Սահմանված կարգով բուհի 1-ին կուրս ընդունված և ընտանիքների անապահովության սահմանային միավորից բարձր միավորներ ունեցող ուսանողներին՝ ընդունելության մրցության քննությունների արդյունքում համապատասխան միավորի շեմը հաղթահարելու դեպքում ուսանողական նպաստները տրվում են ըստ սույն կարգի 15-րդ կետով սահմանված չափերի և 17-րդ կետով սահմանված ընթացակարգով:

19. ԵՊՀ-ն վճարովի համակարգում սովորող ուսանողական համակազմի առնվազն տասը տոկոսին ուսանողների վարձավճարներից գոյացած բյուջեի առնվազն յոթ տոկոսի չափով, իհմք ընդունելով բարձր առաջադիմությունը և սոցիալական

խումբը, իր միջոցների հաշվին իրականացնում է ուսանողական նպաստի ձևով ուսման վարձավճարի մասնակի փոխհատուցում հետևյալ կարգավիճակ ունեցող ուսանողներին.

19.1. սոցիալապես անապահով (ընտանիքների ապահովության սահմանային միավորից բարձր միավոր ունեցող ընտանիքների) ուսանողներին՝ 30 տոկոսի չափով,

19.2. 18 տարին լրանալուց հետո առանց ծնողական խնամքի մնացած ուսանողներին մինչև 23 տարին լրանալը՝ 50 տոկոսի չափով,

19.3. 23 տարին չլրացած միակողմանի ծնողագործկ (միաձնող) ուսանողներին՝ 50 տոկոսի չափով,

19.4. մինչև մեկ տարեկան երեխա ունեցող ուսանողներին՝ 50 տոկոսի չափով,

19.5. երեք և ավելի անշահահաս, կամ երեք և ավելի ուսանող երեխա ունեցող ընտանիքների ուսանողներին՝ 30 տոկոսի չափով,

19.6. 1-ին կամ 2-րդ խմբի հաշմանդամ, այդ թվում՝ հաշմանդամ ազատամարտիկ ծնող ունեցող ուսանողներին՝ 30 տոկոսի չափով,

19.7. մարտական հերթապահություն իրականացնող զորամասերում մարտական հերթապահության մեջ ընդգրկված պարտադիր ժամկետային գինվորական ծառայություն անցած ուսանողներին (համապատասխան փաստաթղթի ներկայացման դեպքում)՝ 30 տոկոսի չափով,

19.8. սոցիալապես անապահով (ընտանիքների ապահովության գնահատման համակարգում հաշվառված, անապահովության 0 միավորից բարձր միավոր ունեցող ընտանիքների) ուսանողներին՝ 20 տոկոսի չափով,

19.9. ուսանողական նպաստների համակարգում չընդգրկված, երկու կիսամյակ անընդմեջ առավել բարձր առաջադիմություն ցուցաբերած ուսանողներին, որոնք ուսանողական նպաստի ձևով ուսման վարձավճարի լրիվ փոխհատուցման համար անցկացված փոխառեղման մրցույթի արդյունքում գրկվել են նպաստի իրավունքից մինչև 0.1 միավոր տարբերության պատճառով՝ 50 տոկոսի չափով,

19.10. առանձնահատուկ դեպքերում, այլ կարգավիճակ ունեցող ուսանողներին՝ ԵՊՀ ռեկտորատի որոշմամբ:

20. Երկու և ավելի կարգավիճակների համապատասխանող, կամ մի քանի արտոնությունների հավակնելու դեպքում ուսանողը կարող է օգտվել դրանցից միայն մեկից, որի դեպքում կիրառվում է մասնակի փոխհատուցման առավելագույն չափը:

21. ԵՊՀ կողմից տրամադրվող ուսանողական նպաստի ձևով ուսման վարձավճարի մասնակի փոխհատուցումից ուսանողը կարող է օգտվել սահմանված միջին որակական գնահատականի (ՄՈԳ) շեմը հաղթահարելու դեպքում:

Յուրաքանչյուր ուսումնական տարվա համար միջին որակական գնահատականի (ՄՈԳ) շեմը սահմանվում է ԵՊՀ ռեկտորի հրամանով:

22. Ուսման վարձավճարի՝ սույն Կանոնակարգի 19-րդ կետով սահմանված մասնակի փոխհատուցման վերաբերյալ դիմումներն ընդունվում են յուրաքանչյուր կիսամյակի ուսումնական պարապմունքների մեկնարկին նախորդող և հաջորդող երկու շաբաթների ընթացքում:

Սույն կետում սահմանված ժամկետների ավարտից հետո ներկայացված ուսման վարձավճարի մասնակի փոխհատուցման վերաբերյալ դիմումները ենթակա չեն ըննարկման:

23. Բակալավրիատի և մագիստրատուրայի առկա ու հեռակա ուսուցման համակարգերում սովորող առաջին կուրսի ուսանողները ուսման վարձավճարի

մասնակի փոխհատուցման իրավունքից կարող են օգտվել միայն ուսումնառության երկրորդ կիսամյակից:

24. ԵՊԼՀ միջոցների հաշվին ուսանողական նպաստի ձևով ուսման վարձավճարի մասնակի փոխհատուցում ստացող ուսանողների ցուցակները ոեկտորի համաձայնությամբ համապատասխան պաշտոնատար անձը ներկայացնում է ոեկտորատի քննարկմանը:

IV. ՊԵՏԱԿԱՆ ԵՎ ԱՆՎԱՆԱԿԱՆ ԿՐԹԱՁՈՇԱԿՆԵՐ ՀԱՏԿԱՑՆԵԼՈՒ ԿԱՐԳՆ ՈՒ ՊԱՅՄԱՆՆԵՐԸ

25. Պետական կրթաթոշակը պետական ֆինանսական օժանդակություն է գերազանց և լավ առաջադիմություն ցուցաբերած, հասարակական ակտիվ դիրքորոշում ու պատշաճ վարքագիծ դրսնորած ուսանողներին՝ ֆինանսական խրախուսանքի ձևով:

26. Ուսանողների հասարակական ակտիվ դիրքորոշումը բնութագրվում է ստորև նշվող ցուցանիշներով՝

ա) մասնակցություն ֆակուլտետի և համալսարանի ուսանողական հասարակական աշխատանքներին,

բ) զեկուցումներ, ոեֆերատներ, իրատարակված աշխատանքներ գիտական ամսագրերում և զանգվածային լրատվության միջոցներում,

գ) մասնակցություն միջբուհական, քաղաքային, հանրապետական և միջազգային մրցույթներին, օլիմպիադաներին, ուսանողական գիտական նստաշրջաններին, ուսանողական շինարարական ջոկատների աշխատանքներին,

դ) ֆակուլտետի կամ համալսարանի դեկավարության մեկանգամյա կամ բազմակի հանձնարարականների բարեխսնորեն և ժամանակին կատարում, որոնք ունեն համապատասխան ձևակերպում:

27. Ուսանողների պատշաճ վարքագիծը դրսնորվում է նրանց կողմից համալսարանի ներքին կարգապահության կանոնների խստիվ պահպանմամբ: Նշված կանոնների խախտման առիթով ոեկտորի կամ ֆակուլտետի դեկանի կողմից տրված նկատողության իրամանները հիմք են հանդիսանում պետական կրթաթոշակ չհատկացնելու համար:

28. ԵՊԼՀ առկա ուսուցման համակարգում սովորող 1-ին և 2-րդ խմբի հաշմանդամության կարգ կամ հաշմանդամ երեխայի կարգավիճակ ունեցող ուսանողներին, ինչպես նաև զոհված զինծառայողի երեխա-ուսանողներին հերթական քննությունները և ստուգարքները դրական գնահատականներով հանձնելու դեպքում, վճարվում է կրթաթոշակ՝ անկախ ստացվող նպաստից կամ թոշակից:

ԵՊԼՀ-ում սովորող առանց ծնողական խնամքի մնացած երեխաներին վճարվում է կրթաթոշակ՝ համալսարանում սահմանված կրթաթոշակի 150 տոկոսի չափով:

29. ԵՊԼՀ պետական կրթաթոշակների քանակը և չափը հաստատում է Հայաստանի Հանրապետության կառավարությունը Հայաստանի Հանրապետության՝ տվյալ տարվա պետական բյուջեով համալսարանին հատկացված միջոցների սահմաններում:

30. ԵՊԼՀ-ում պետական կրթաթոշակների հատկացման և հրամանագրման գործընթացը կազմակերպվում է սույն Կանոնակարգի 10-րդ կետում նշված մանդատային հանձնաժողովների միջոցով և համապատասխան կարգով: Մրցույթի անցկացումից հետո տվյալ մասնագիտությունում ազատ պետական կրթաթոշակներ առաջնայու դեպքում դրանք կարող են վերաբաշխվել ֆակուլտետի մյուս մասնագիտությունների (կրթական ծրագրերի) վրա:

31. Յուրաքանչյուր ուսումնական կիսամյակի ավարտին սույն Կանոնակարգի 25-27-րդ կետերում նշված պայմանների պահպանման պարագայում պետական կրթաթոշակի հատկացումը վերահաստատվում է: Թվարկված պայմանները չապահովելու դեպքում ուսանողը գրկում է պետական կրթաթոշակից:

32. Ազատ պետական կրթաթոշակները մրցութային կարգով հատկացվում են տվյալ մասնագիտության այլ ուսանողների:

33. Ուսումնառությունն ընդհատած (ժամկետային գինծառայության գորակոչվելու, առողջական վիճակի պատճառով ակադեմիական արձակուրդում գտնվելու, հղիության և ծննդաբերության, ինչպես նաև մինչև 3 տարեկան երեխայի խնամքի դեպքերում) ուսանողը վերականգնվելիս պահպանում է նախկինում ունեցած կրթաթոշակ ստանալու իրավունքը (Հայաստանի Հանրապետության պետական բյուջեով նախատեսված կրթաթոշակ ստացողների ընդհանուր թվաքանակի շրջանակներում):

34. ԵՊԼՀ-ն իրավասու է սեփական և Հայաստանի Հանրապետության օրենսդրությամբ չարգելված այլ միջոցների հաշվին սահմանելու ներբուիհական, այդ թվում՝ անվանական կրթաթոշակներ:

35. ԵՊԼՀ անվանական կրթաթոշակ նշանակվում է բակալավրիատի և մագիստրատուրայի վերջին 4 կիսամյակներում անընդմեջ գերազանց առաջադիմություն (մագիստրատուրայի ուսանողների դեպքում հաշվի են առնվում նաև բակալավրիատում ցուցաբերած առաջադիմության արդյունքները) և գիտական, հասարակական ակտիվություն ցուցաբերած ուսանողներին:

36. Անվանական կրթաթոշակի հավակնորդ ուսանողների թեկնածությունները քննարկում և ընտրում են ֆակուլտետների խորհուրդները, որի վերաբերյալ հիմնավորված եզրակացություն են ներկայացնում ուկտորի հանձնարությամբ համապատասխան պաշտոնատար անձին, ով անվանական կրթաթոշակների հավակնորդների ցուցակը ներկայացնում է ԵՊԼՀ գիտական խորհրդի հաստատմանը: ԵՊԼՀ գիտական խորհուրդը բաց քերակությամբ, ձայների պարզ մեծամասնությամբ հաստատում է անվանական կրթաթոշակները, որի հիման վրա համալսարանի ուկտորը տալիս է համապատասխան հրաման: Անվանական կրթաթոշակից գրկելը կատարվում է ուկտորի հրամանով:

37. Անվանական կրթաթոշակների տրամադրումը վերանայվում է յուրաքանչյուր ուսումնական կիսամյակի սկզբում:

Ուսանողը գրկում է նշանակված անվանական կրթաթոշակից, եթե ուսումնական կիսամյակի ավարտին չի համապատասխանում սույն Կանոնակարգի 35-րդ կետով սահմանված չափանիշներին: